



PEKARA TI NYADI BA PENGUJUNG DUNYA

"Beli pemendar, penemu-dalam, Jaku
ajar, enggau ati ti mereti, lalu anang
nyual sida" (Jaku Dalam 23:23)



Punchak utai ke nyadi, ke lalu nyadi kelai pengujung sejarah, ianya injil ke diajar ngagai serata dunya (*Matthew 24:14*).

Sebedau injil diajar, Roh Kudus deka nurun dulu, lalu tu meh kuasa ke sama ke nurun lebh hari Pentikos. Utai ke nyadi tu meh ke dikumbai “ujan dudi.”

Sapa orang ti deka nerima ujan dudi tu? Orang ti mutuska diri deka taluk ngagai Allah Taala, senurutka pesan Iya sereta muji Iya mega. Sida tu deka dikelai ngena, “chop tambit Allah Taala ti idup” (*Pem. 7:2*).



Bekemaska penusah ti penudi:



Diiring Jaku Tuhan.



Dichop ba kening.



Taluk ba sembah.



Kuasa ari atas:



Ujan dudi.



Ngajar injil.



BESEDIKA PENUSAH TI DUDI

DIIRING JAKU TUHAN

"Leka jaku Nuan nyadika lampu tenggau aku nyadika tenggau jalai aku"
(Masmur 119:105)

Kati nemu nuan endur ngiga batang pemendar pasal ujung dunya? Tu jalai:

"Beli pemendar, lalu anang nyual sida" (Jaku Dalam 23:23)



"Kita deka nemu pemendar" (John 8:32)

"Jaku Nuan nya pemendar" (John 17:17)

"Lebuh jaku Nuan diterangka, iya meri penerang; iya meri penemu ngagai orang ke enda nemu utai" (Mas. 119:130)

Ba timpuh pengujung, Sitan dikemendarka ngereja pengawa nyelai dikena nipu ke enda ulih disangkal (Pem. 13:13-14; Mat. 24:24).

Penemu ke penuh pasal Bup Kudus enggau ari saup Roh Kudus, tu aja ke ulih nulung kitai mengkang tegap ba pemendar (2 Pet. 1:19-21).





DICHOP BA KENING

“Udah nya aku malik, lalu tepedaka Anak Domba bediri ba Bukit Sion. Lalu sama bediri enggau Iya mega 144,000 iku orang ke bisi nama Anak Domba enggau nama Apai Iya ditulis ba kening sida” (Pemandang 14:1)

Chop Allah Taala dikelala ngena 3 chara:

1. Roh Kudus. Semua orang ti arap ba semua jeman deka dichop ngena Iya (*Ep. 4:30*).
2. Nama enggau perangai Allah Taala. Semua orang ti menang deka bempu tu (*Pem. 14:1; 22:4*).
3. Tanda ke ulih dikelala (*Pem. 9:4; Es. 9:4*).

Allah Taala ngengkahka siti ari kelai Iya ba Pesan Sepuluh, tu meh kelai ke ulih dikelala ba orang ti nyembah Iya (*Es. 20:20*).



Komponen Chop	Chunto: euro Koin (Spain)	Sabat (P-sut 20:8-11)
Nama	Philip VI	Jehovah
Gelar	Raja	Penengkebang
Endur	Spain	Langit, tanah enggau tasik



DICHOP BA KENING

“Udah nya aku malik, lalu tepedaka Anak Domba bediri ba Bukit Sion. Lalu sama bediri enggau Iya mega 144,000 iku orang ke bisi nama Anak Domba enggau nama Apai Iya ditulis ba kening sida” (Pemandang 14:1)



Chop tauka tanda tu deka diterima ngena dua iti chara: ba kening tauka ba jari. Orang ti lurus deka nerima tanda tu ba kening sida, lalu orang ke enda lurus deka nerima tanda tu ba kening tauka ba jari sida (*Pem. 13:16*). Nama bida?



**PENEMU KE
DIKARAP**

**Arapka orang ke
disembah**



**ASIL
(Penguntung)**

**Nyembah
kategal takut
diukum**



Sitan nadai tentu gagau ke kebuah ba sembah, tang Allah Taala semina nerima sembah ke datai ari ati ti bendar (*Rome 12:1*).

TALUK BA SEMBAH

"ngambika nadai orang ulih bebeli tauka bejualka utai enti sida nadai kelainya, iya nya, nama jelu nya, tauka lumur nama nya"
(Pemandang 13:17)

Orang ti enggai nerima tanda jelu enda ulih bejual enggau bebeli, sida mega diemba enggau pemat i (*Pem. 13:15-17*). Pia mega, enti sida nerima tanda nya, sida deka dituntung kudi ti penudi sereta mati ba pemat i ti kedua, lalu lenyau pengidup meruan (*Pem. 16:2; 14:9-11; 20:4, 13-15*).



Nama reti tanda jelu? Chip, barcode, tauka sebarang utai ke baka nya?



Enti Sabat nya tanda ke ulih dipeda ba orang ke taluk, tentu mega tanda jelu deka sebaka enggau nya?

Laban Bup Kudus nadai madahka ubah ba hari sembiang, enti hari Minggu diterima nyadi ke hari sembiang, reti nya kuasa gerija ke ngubah nya mega diterima (dikelala enggau 666).



Ni ke patut diterima kitai? Kuasa mensia tauka kuasa Allah Taala ke terang dipadah ba Jaku Iya?



KUASA ARI ATAS

UJAN DUDI

"Gaga ati meh kita, orang Sion. Rami gaga ati meh kita ke TUHAN Allah Taala kita; Laban Iya udah meri kita ujan lebu musin ruruh daun enggau lebu musin bungai, nitihka musin sida" (Joel 2:23).




Nabi Joel ngena ujan nyadi ke jaku banding pasal penurun Roh Kudus (Joel 2:23). Nya alai baka tu meh utai ti ku Peter lebu ke ngajar ba hari Pentikos (Ras. 2:14-17).

Penurun ujan tu deka mai penemu pasal Allah Taala (Hos. 6:3). Maya timpuh iya tu kelia, iya udah mai beribu iku orang datai ngagai Tuhan dalam sehari (Ras. 2:41).

Ba menua ke bisi iklim Mediteranean baka ke alai orang Israel diau, ujan ke dulu lebih kurang ba bulan Oktober dikena nyendiaka tanah sereta ngematukka benih. Ujan ti kedua ke disebut ujan dudi, lebih kurang ba bulan April dikena ngemansauka umai.

Baka nya mega, gerija dipunka enggau ujan Roh Kudus, berita injil ke dipadah, tauka pengetau ti penudi deka nyadi lepas penatai ujan ti dudi. Roh Kudus deka dituang ngena kuasa atas orang ti arap (Pem. 18:1).





NGAJAR INJIL

“Udah nya aku tepedaka siku agi melikat nurun ari serega. Kuasa iya besai, lalu dunya nyau tampak terang laban mulia iya” (Pemandang 18:1)

John meda siku agi melikat nurun ngena kuasa. Mulia melikat siku tu ngemenuhka dunya (*Pem. 18:1*). Nama berita ke dipadah melikat tu?

Berita ke dibai iya sebaka enggau berita melikat ti kedua: Babilon udah rubuh lalu ngamahka semua bansa (*Pem. 18:2-3; 14:8*).

Roh Kudus deka nurun enggau kuasa atas orang ti taluk, “iya nya sida ke ngasika pesan Allah Taala, sereta tetap ati arapka Jesus” (*Pem. 14:12*), pia mega sida udah meritaka injil, enggau madahka jaku tangkan pasal pun timpuh pechara, sereta ngansak orang mayuh nyembah Penengkebang (*Pem. 14:6-7*).

Betunga enggau ajar-ajar tu enggau kuasa ujan dudi, mensia deka betunga enggau dua bengkah pemilih: nerima chop Allah Taala tauka nerima chap jelu (*Pem. 14:9-11*).

Mayuh orang deka meritaka ajar ti penudi tu. Mayuh mega deka netapka diri taluk datai ke pengujung.



“Penurun Roh Kudus ngagai gerija disadang deka nyadi ba timpuh pengujung, taja pia gerija bepeluang nerima nya diatu. Giga iya, besampika iya sereta arapka iya. Kitai enda tau enda nerima tu, lalu serega endang udah sedia deka meri.”

EGW (Last Days Events, lambar 189)

“Nadai orang deka tinggang pengeringat Allah Taala datai ngagai maya pemendar dipadah ngagai sida, udah nya lalu ditulak. Mayuh amat orang nadai bepeluang mendingka batang pemendar ke diungkupka timpuh diatu. Pesan lumur empat ke diasuh intu lalu nadai diterang ngagai sida enggau penampak ke betul. Iya ke macha genap ati, lalu ngabas genap tuju, enda deka ninggalka orang ti keran deka nemu batang pemendar, udah nya lalu kena tipu. Sida enda diansak nerima atur enggau chara ti buta. Semua ngembuan penampak ti chukup dikena ngaga pemutus ke pintar.”

EGW (The Great Controversy, lambar 605)